

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 30. 31. i 51. Zakona o izvršenju Budžeta Zeničko-dobojskog kantona za 2015. godinu, („Službene novine Zeničko-dobojskog kantona“, broj: 2/15), na prijedlog Ministarstva za privredu, Vlada Zeničko-dobojskog kantona, na 24. sjednici, održanoj dana 27.08.2015. godine, d o n o s i

ZAKLJUČAK

o izmjenama Programa utroška budžetskih sredstva u 2015. godini

I.

U Programu utroška budžetskih sredstava u 2015. godini, Ministarstva za privredu Zeničko-dobojskog kantona, usvojenim Zaključkom, broj: 02-14-12700/15 od 04.06.2015. godine, naslov tačke „**4. POTICAJ IZVOZNO ORIJENTIRANIH AKTIVNOSTI**“ mijenja se i glasi: „**4. POTICAJ JAČANJA KONKURENTNOSTI**“.

II.

U Programu utroška budžetskih sredstava u 2015. godini, Ministarstva za privredu Zeničko-dobojskog kantona tačka 4.3. mijenja se i glasi:

„4.3. Subvencioniranje troškova jačanja konkurentnosti

Iznos: 540.000,00 KM

Svrha:

Cilj ovog poticaja je smanjenje troškova, a samim tim povećanje konkurentnosti, zapošljavanja i razvoja privrednih subjekata iz Zeničko-dobojskog kantona.

Korisnici ovog poticaja, u duhu ovog programa bit će privredni subjekti registrovani iz područja prerađivačkih djelatnosti A-B-C i D- Standardne klasifikacije djelatnosti, registrovani u Zeničko-dobojskom kantonu.

Vlada Kantona će iz budžetskih sredstava subvencionirati (refundirati) dio troškova jačanja konkurentnosti za privredne subjekte koji svojom djelatnošću obezbjeđuju izvoz do 50% ukupnog prihoda iz prethodne godine. Izvozniku će se odobravati troškovi izvoza od 3% fakturisanog izvoza, izuzimajući velike privredne subjekte.

Organizacija – primalac: Privredni subjekti

Kriteriji: Postupak i kriterij; Javni poziv; Odluka Vlade Kantona.“

III.

U Programu utroška budžetskih sredstava u 2015. godini Ministarstva za privredu Zeničko-dobojskog kantona u Rekapitulaciji, tačka 4. mijenja se i glasi:

4.	POTICAJ JAČANJA KONKURENTNOSTI	590.000,00
4.1.	Subvencioniranje uvođenja međunarodnih standarda za upravljanje kvalitetom	50.000,00
4.2.	Subvencioniranje troškova jačanja konkurentnosti	540.000,00

IV.

Za realizaciju ovog Zaključka zadužuju se Ministarstvo za privredu i Ministarstvo finansija, svako u okviru svoje nadležnosti.

V.

Zaključak stupa na snagu danom donošenja.

Broj: 02-14-16226/15.

Datum, 27.08.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo finansija,

1x a/a.